

## К ОПУБЛИКОВАНИЮ

### КОМИ РЕСПУБЛИКАЛӦН ОЛАНПАС

#### Коми Республикаса Оланподув Ёрд бырӧдӧмкӧд йитчӧм ӧткымын юалӧм да такӧд йитӧдын Коми Республикаса ӧткымын оланпас вынтӧмӧн лыддьӧм йылысь

Примитӧма Коми Республикаса  
Каналан Сӧветӧн

2021 вося вӧльгым тӧлысь 24 лунӧ

Тайӧ Оланпасыс «Торъя федеральной оланподув оланпасьясӧ вежсьӧмьяс пыртӧм йылысь» 2020 во ӧшым тӧлысь 8 лунся 7-ФКЗ №-а Федеральной оланподув оланпаслӧн 5 статья (водзӧ – «Торъя федеральной оланподув оланпасьясӧ вежсьӧмьяс пыртӧм йылысь» Федеральной оланподув оланпас), «Россия Федерацияын ёрд система йылысь» 1996 во ӧшым тӧлысь 31 лунся 1-ФКЗ №-а Федеральной оланподув оланпаслӧн 17 статьяса 2 юкӧн, «Россия Федерацияын ёрдысьяслӧн статус йылысь» 1992 во лӧддза-номья тӧлысь 26 лунся 3132-І №-а Россия Федерацияса Оланпас серти (водзӧ – «Россия Федерацияын ёрдысьяслӧн статус йылысь» Россия Федерацияса Оланпас) ладмӧдӧ юалӧмьяс, кутшӧмьяс йитчӧмаӧсь Коми Республикаса Оланподув Ёрд бырӧдӧмкӧд, а сідзжӧ Коми Республикалӧн Оланподув Ёрдса ёрдысьясӧс, кодьяс дугдӧсны пӧртны олӧмӧ ассьыныс уджмогьясӧ, материальной да социальной могмӧдан торъя юалӧмьяс.

#### **1 статья**

«Торъя федеральной оланподув оланпасьясӧ вежсьӧмьяс пыртӧм йылысь» Федеральной оланподув оланпаслӧн 5 статьяса 3 юкӧн серти бырӧдны Коми Республикаса Оланподув Ёрдсӧ (водзӧ – Оланподув Ёрд) 2022 вося урасьӧм тӧлысь 7 лунсянь.

#### **2 статья**

1. Коми Республикалӧн Оланподув Ёрдса ёрдысьяслысь уджмогьясӧ дугӧдны 2022 вося урасьӧм тӧлысь 7 лунсянь.

2. Оланподув Ёрдса ёрдысьысь, кодлысь уджмогьясӧ дугӧдӧма тайӧ статьялӧн 1 юкӧн серти, лыддьысьсӧ отставкаӧ ыстӧмаӧн.

3. Оланподув Ёрдса ёрдысьлы, кодӧ дугдӧсны пӧртны олӧмӧ ассьыс уджмогьясӧ, быть колӧ кутчысьны «Россия Федерацияын ёрдысьяслӧн статус йылысь» Россия Федерацияса Оланпаслӧн 3 статьяӧн урчитӧм корӧмьясӧ, тайӧ статьялӧн 3 пунктса 1, 11 да 12 пунктувьясӧн урчитӧм корӧмьяс кындзи.

#### **3 статья**

Коми Республикаса Веськӧдлан котыр могмӧдӧ Оланподув Ёрд бырӧдан мероприятиеясӧ, сы лыдын юридической кывкутысьӧс бырӧдан да бырӧдан комиссия (бырӧдысьӧс) индан мероприятиеяс олӧмӧ пӧртӧмсӧ федеральной оланпастэчаслӧн корӧмьяс серти.

#### **4 статья**

Оланподув Ёрдса ёрдысьяслы, кодьяс дугдӧсны пӧртны олӧмӧ ассьыныс уджмогьясӧ тайӧ Оланпас серти, а сідзжӧ Оланподув Ёрдса ёрдысьяслы, кодьяс водзджык дугдӧсны пӧртны олӧмӧ ассьыныс уджмогьясӧ (водзӧ – отставкаын лойсь Оланподув Ёрдса ёрдысь), федеральной оланпастэчас да Коми Республикаса

оланпастэчас серти кольёны гарантияссö (сы лыдын материальнöя да социальнöя моґмöдöмсö), кутшöмъясöс урчитöма отставкаын лoысь Оланподув Ёрдса ёрдысьяслы.

### **5 статья**

1. Тайö Оланпаслön 2 статьяса 2 юкөн серти отставкаö ыстöм Оланподув Ёрдса ёрдысьлы мынтысьсö удж вылысь петігөн мынтан пособие ёрдысьөн уджалан быд тырвыйö воысь бөръя чин серти удждон арталöмön, но колян чин серти удждонлön квайт пöвста мындаысь абу этшаджык. Та дырйи ёрдысьлысь, коді водзджык мунліс либö кодöс ыстывлісны отставкаö, арталöны сöмын ёрдысьөн уджалан кадсö, мый коліс бөръя отставка помасьöмсянь.

2. Тайö Оланпаслön 2 статьяса 2 юкөн серти отставкаö ыстöм Оланподув Ёрдса ёрдысьлы мынтысьсö бөръя чин серти 12 быдтöлысья сьöмön ошкöм мындаын компенсация.

3. Отставкаын лoысь Оланподув Ёрдса ёрдысьлы пенсияыс мынтысьсö öтувъя подувъяс вылын. Отставкаын лoысь Оланподув Ёрдса ёрдысьлы, кодлön ёрдысь чинын уджалан стажыс лöö 20 воысь оз этшаджык, мынтысьсö сылön бөрйöм серти öтувъя подувъяс вылын пенсия либö удждонлön 80 прöчент мындаын олöм чöж быдтöлысья жалованнö, мыйысь вотсö оз перйыны, кутшöмöс урчитöма Оланподув Ёрдса лöсялана ёрдысьлы тайö Оланпаслön 2 статьяса 2 юкөн серти отставкаö сійöс ыстан лун вылö. Отставкаын лoысь Оланподув Ёрдса ёрдысьлы, кодлön ёрдысь чинын уджалан стажыс лöö 20 воысь этшаджык да кодлы тырöма 55 (аньяслы – 50) ар, олöм чöж быдтöлысья жалованнö мындасö арталöны ёрдысь чинын уджалöм тырвыйö во лыдлы тшöтшиногөн. Отставкаын лoысь Оланподув Ёрдса ёрдысьлы, кодлön тайö чинын уджалан стажыс лöö 20 воысь дырджык, олöм чöж быдтöлысья жалованнöбыс содö татшöм ногөн арталöмön: 20 воысь дырджык уджалöм быд тырвыйö воысь – индöм жалованнöбысь öти прöчент, но ставнас лöсялана ёрдысь чинын уджалысьлön удждонысь 85 прöчентысь оз унджык.

Отставкаын лoысь Оланподув Ёрдса ёрдысь, кодлы тырöма 60 (аньяслы – 55) ар, 25 воысь абу этшаджык юриспруденция юкöнын уджалан стаж дырйи, сы лыдын 10 воысь абу этшаджык ёрдысьөн уджалігөн, отставкаö петöм бөрын вермö босьтны олöм чöж быдтöлысья жалöваннöсö тырвыйö мындаын.

Уджалан стажсö, мый босьтöны тöд вылö олöм чöж быдтöлысья жалöваннö мында арталігөн, урчитöны федеральнöй оланпастэчас серти.

Ылі Войвыв районьясын да накöд öткодялöм местаясын ёрдысь чинын уджалан кадсö арталöны ёрдысьлön уджалан стажö öтиön-джынйöн мындаын.

4. Удж вылысь петігөн мынтан пособие, компенсация, олöм чöж быдтöлысья жалöваннö мындасö арталöны Оланподув Ёрдса ёрдысьлön удждон вылö мыджсьöмön, кытчö пырöны чина оклад, квалификация классысь оклад, уна во уджалöмысь быдтöлысья содтöд мынтöм, торъя уджалан условиеясысь чина оклад дорö 50-прöчента содтöд мынтöм, ёрдысьлы, кодлön эм юридическöй наукаса кандидат учёнöй степень либö доцент учёнöй ним, чина окладысь 5 прöчент мындаын быдтöлысья содтöд мынтöм, ёрдысьлы, кодлön эм юридическöй наукаса доктор учёнöй степень либö профессор учёнöй ним, «Россия Федерацияса нимöдана юрист» почёт ним, чина окладысь 10 прöчент мындаын быдтöлысья содтöд мынтöм, кварталысь да воысь уджлön кывкöртöдъяс серти сьöмön ошкöмъяс (премияс).

5. Олöм чöж быдтöлысья жалöваннö мындасö содтöны (индексируйтöны) Коми Республикаса канму гражданскöй служба чиньяс серти сьöмön жалöваннöлысь окладъяс содтöм (индексируйтöм) могысь урчитöм пöрадокын, мындаын да кадколастьясö.

6. Коми Республикаса канму гражданскöй службаон веськöдлысь орган индö отставкаын лойсь Оланподув Ёрдса ёрдысьлы олöм чöж быдтöлысья жалöванньöсö, а Коми Республикаса Юралысьöн уполномочитöм Коми Республикаса олöмö пöртысь власьт орган мынтö сійöс (водзö – уполномочитöм орган).

7. Отставкаын лойсь Оланподув Ёрдса ёрдысьяслы олöм чöж быдтöлысья жалöванньö, отставкаын лойсь Оланподув Ёрдса ёрдысьлөн пöгибнитöмкöд (кувсьöмкöд) йитöдын уджавны вермытöм сылөн семьяö пырысьяслы, кодьяс вöліны сылөн видзöм улын, быдтöлысья вештан сьöм индан да сійöс мынтан пöрадокыс индысьсö Коми Республикаса Юралысьöн.

### **6 статья**

1. Гражданагы дон босьттöг медицина отсöг сетöм серти канму гарантияяслөн мутас уджтас серти, кутшöмöс вынсьöдöма Коми Республикаса Веськöдлан котырöн, отставкаын лойсь Оланподув Ёрдса ёрдысь да сылөн семьяö пырысьяс вермöны босьтны медицина отсöг, медицина боксянь вöдитчöм могысь лекарство препаратьясöн могмöдöмсö пыртöмөн.

2. Отставкаын лойсь пöгибнитöм (кувсьöм) Оланподув Ёрдса ёрдысьлөн семьяö пырысьяслы медицина отсöгсö сетöны сійö жö медицина организациясы, кöни найöс вöлі босьтöма учёт вылö.

### **7 статья**

1. Отставкаын либö пенсия вылын лойсь Оланподув Ёрдса ёрдысьлөн эм быд во санаторно-курортнöя бурдöдчöм вылö инöд Коми Республикаса Юралысьöн урчитöм пöрадокын, мындаын да условиясын мынтöмөн.

2. Санаторно-курортнöя бурдöдчöмыс мынтысьсö уполномочитöм органөн.

### **8 статья**

1. Коми Республикаса Каналан Сöвет сетö отставкаын лойсь Оланподув Ёрдса ёрдысьлы отставкаын лойсь Оланподув Ёрдса ёрдысьлысь эскöданпас.

2. Коми Республикаса Каналан Сöвет вынсьöдö отставкаын лойсь Оланподув Ёрдса ёрдысьлысь эскöданпас сетан, сійöс учёт вылö босьтан пöрадоксö, сылысь образецсö да опишитöмсö.

### **9 статья**

1. Коми Республикаса Каналан Сöвет дугöдлö, бöр заводитö либö дугöдö Оланподув Ёрдса ёрдысьлысь отставкасö ёрдысьяслысь отставка дугöдлöм, бöр заводитöм либö дугöдöм вылö Россия Федерацияса оланпастэчасöн урчитöм подувьяс серти, Коми Республикаса Каналан Сöветөн урчитöм пöрадокын.

2. Коми Республикаса Каналан Сöвет ыстö Оланподув Ёрдса ёрдысьлысь отставка дугöдлöм, бöр заводитöм либö дугöдöм йылысь помшуöмсö уполномочитöм органö лöсялана помшуöм примитан лунсянь 5 лун чöжөн.

### **10 статья**

1. Тайö Оланпас вынсялан лун вылö Оланподув Ёрдса аппаратын Коми Республикаса канму гражданскöй служба чинын уджалысь йöзлөн кольö Коми Республикаса канму гражданскöй служащöйлөн инöда положениеыс (статусыс) на серти мероприятияс помасьтöдз, кутшöмьяс Оланподув Ёрд бырöдöм вöсна йитчöмаöсь Коми Республикаса канму гражданскöй службаыс мунöмкöд.

2. Тайö Оланпаслөн 1 статья серти Оланподув Ёрд бырöдан лунсянь гражданинлөн шыödчöмыс, кодi уджавлöма Оланподув Ёрдса аппаратын чиньн, кутшöмöс пыртöма Оланподув Ёрдса аппаратын Коми Республикаса канму гражданскöй служба чиньяс лыддьöгö, кытчö индiгөн гражданагы да кöни уджалiгөн Коми Республикаса канму гражданскöй служащöйяслы быть колö сетны асланыс рöскод, чöжöс йылысь, эмбур да эмбур сяма кöсийсьöмьяс йылысь тöдмөгьяссö, а сiдзжö асланыс гöтырлөн (верöслөн) да тыр арлыдтöм челядълөн чöжöс, рöскод йылысь, эмбур да эмбур сяма кöсийсьöмьяс йылысь тöдмөгьяссö, мый урчитöма «Коррупциялы паныд удж йылысь» 2008 во öшым тöлысь 25 лунся 273-ФЗ №-а Федеральнöй оланпаслөн 12 статьяса 1<sup>1</sup> юкөнөн, а сiдзжö коммерческöй либö абу коммерческöй организациялөн индöм гражданинкöд уджалан сёрнитчöм да (либö) гражданскöй-инöда сёрнитчöм кырымалöм йылысь уведомлениеыс сы могысь, медым удж сетысь пöртiс олöмö «Коррупциялы паныд удж йылысь» 2008 во öшым тöлысь 25 лунся 273-ФЗ №-а Федеральнöй оланпаслөн 12 статьяса 4 юкөнөн урчитöм кывкутана могсö, сетсьöны Коми Республикаын коррупцияысь да мукöд ногөн инöд торкалöмысь öлдан органö, кутшöмöс индöма Коми Республикаса Юралысьөн, да видлавсьöны Коми Республикаын коррупциялы паныд нуöдан уджсö координируйтан комиссиялөн президиумөн Коми Республикаса Юралысьөн урчитöм пöрадокын.

### **11 статья**

Тайö Оланпасөн урчитöм рöскодсö сьöмөн могмöдöны Коми Республикаса республиканскöй сьöмкуд сьöм тшöт весьтö.

### **12 статья**

Тайö Оланпас вынсялöм бöрын Оланподув Ёрдлөн веськöдлöм улö пырысь юалöмьяс серти правосудиесö пöртöны олöмö федеральнöй оланпастэчасын индöм подсудность серти.

### **13 статья**

Лыддьыны вынтöмөн:

1) «Коми Республикаса Оланподув Ёрд йылысь» 1994 во йирым тöлысь 31 лунся 7-РЗ №-а Коми Республикаса Оланпас (Коми Республикаса Медвылыс Сöветлөн индöд-тшöктöмьяс, 1994, 11 №, 160 ст.);

2) «Коми Республикаса Оланподув Ёрдлысь уджсö могмöдöм йылысь» 1994 во öшым тöлысь 22 лунся 14-РЗ №-а Коми Республикаса Оланпас (Красное знамя, 1995, тöвшöр тöлысь 5 лун);

3) «Коми Республикаса Оланподув Ёрд йылысь» Коми Республикаса Оланпасö вежсьöмьяс да содтöдьяс пыртöм йылысь» 1998 во öшым тöлысь 25 лунся 52-РЗ №-а Коми Республикаса Оланпас (Коми Республикаса канму власьт органьяслөн индöд-тшöктöмьяс, 1999, 3 №, 1041 ст.);

4) «Коми Республикаса Оланподув Ёрд йылысь» Коми Республикаса Оланпасö вежсьöмьяс пыртöм йылысь» 2000 во косму тöлысь 4 лунся 19-РЗ №-а Коми Республикаса Оланпас (Коми Республикаса канму власьт органьяслөн индöд-тшöктöмьяс, 2000, 9 №, 1359 ст.);

5) «Коми Республикаса Оланподув Ёрд йылысь» Коми Республикаса Оланпасö вежсьöмьяс да содтöдьяс пыртöм йылысь» 2001 во йирым тöлысь 15 лунся 57-РЗ №-а Коми Республикаса Оланпас (Коми Республикаса канму власьт органьяслөн индöд-тшöктöмьяс, 2002, 3 №, 1889 ст.);

6) «Коми Республикаса Оланподув Ёрдлысь уджсö могмöдöм йылысь» Коми Республикаса Оланпасö вежсьöмьяс да содтöдьяс пыртöм йылысь» 2001 во вöльгым тöлысь 15 лунся 67-РЗ №-а Коми Республикаса Оланпас (Коми Республикаса канму власьт органьяслöн индöд-тшöктöмьяс, 2002, 4 №, 1925 ст.);

7) «Коми Республикаса Оланподув Ёрдлысь уджсö могмöдöм йылысь» Коми Республикаса Оланпасö вежсьöмьяс пыртöм йылысь» 2003 во öшым тöлысь 1 лунся 76-РЗ №-а Коми Республикаса Оланпас (Коми Республикаса канму власьт органьяслöн индöд-тшöктöмьяс, 2004, 4 №, 3092 ст.);

8) «Коми Республикаса Оланподув Ёрдлысь уджсö могмöдöм йылысь» Коми Республикаса Оланпасö вежсьöмьяс да содтöдьяс пыртöм йылысь» 2006 во ода-кора тöлысь 4 лунся 30-РЗ №-а Коми Республикаса Оланпас (Коми Республикаса канму власьт органьяслöн индöд-тшöктöмьяс, 2006, 11 №, 4603 ст.);

9) «Коми Республикаса Оланподув Ёрд йылысь» Коми Республикаса Оланпасö вежсьöмьяс да содтöдьяс пыртöм йылысь» 2007 во ода-кора тöлысь 8 лунся 42-РЗ №-а Коми Республикаса Оланпас (Коми Республикаса канму власьт органьяслöн индöд-тшöктöмьяс, 2007, 8 №, 4938 ст.);

10) «Коми Республикаса Оланподув Ёрд йылысь» Коми Республикаса Оланпаслöн 11 статьяö вежсьöм пыртöм йылысь» 2009 во ода-кора тöлысь 27 лунся 43-РЗ №-а Коми Республикаса Оланпас (Коми Республикаса канму власьт органьяслöн индöд-тшöктöмьяс, 2009, 16 №, 263 ст.);

11) «Коми Республикаса Оланподув Ёрд йылысь» Коми Республикаса Оланпасö вежсьöмьяс пыртöм йылысь» 2010 во лöддза-номья тöлысь 25 лунся 57-РЗ №-а Коми Республикаса Оланпас (Коми Республикаса канму власьт органьяслöн индöд-тшöктöмьяс, 2010, 22 №, 516 ст.);

12) «Коми Республикаса Оланподув Ёрдлысь уджсö котыртан, Коми Республикаса Оланподув Ёрдлöн да Коми Республикаын мирöвöй ёрдысьяслöн удж йылысь юөрöн вöдитчыны позянлунсö могмöдан юкöнын Коми Республикаса öткымын оланпасö вежсьöмьяс пыртöм йылысь» 2011 во öшым тöлысь 1 лунся 112-РЗ №-а Коми Республикаса Оланпаслысь 1 статья (Коми Республикаса канму власьт органьяслöн индöд-тшöктöмьяс, 2011, 47 №, 1331 ст.);

13) «Коррупциялы паныд удж нуöдан юалöмьяс серти инöд боксянь ладмöдöмсö бурмöдöмкöд йитöдын Коми Республикаса öткымын оланпасö вежсьöмьяс пыртöм йылысь» 2012 во öшым тöлысь 21 лунся 107-РЗ №-а Коми Республикаса Оланпаслысь 5 статья (Коми Республикаса канму власьт органьяслöн индöд-тшöктöмьяс, 2012, 70 №, 1801 ст.);

14) «Коми Республикаса Оланподув Ёрд йылысь» да «Коми Республикаса Оланподув Ёрдлысь уджсö могмöдöм йылысь» Коми Республикаса оланпасьясö вежсьöмьяс пыртöм йылысь» 2013 во кöч тöлысь 27 лунся 72-РЗ №-а Коми Республикаса Оланпас (Коми Республикаса канму власьт органьяслöн индöд-тшöктöмьяс, 2013, 30 №, 552 ст.);

15) «Россия Федерацияын велöдчöм йылысь» Федеральнöй оланпас примитöмкöд йитöдын Коми Республикаса торья оланпастэчас актьясö вежсьöмьяс пыртöм йылысь» 2014 во рака тöлысь 4 лунся 10-РЗ №-а Коми Республикаса Оланпаслысь 1 статья (Коми Республикаса канму власьт органьяслöн индöд-тшöктöмьяс, 2014, 9 №, 112 ст.);

16) «Коми Республикаса Оланподув Ёрд йылысь» да «Коми Республикаса Оланподув Ёрдлысь уджсö могмöдöм йылысь» Коми Республикаса оланпасьясö вежсьöмьяс пыртöм йылысь» 2014 во ода-кора тöлысь 5 лунся 43-РЗ №-а Коми

Республикаса Оланпас (Коми Республикаса канму власьт органьяслон индод-тшөктөмьяс, 2014, 13 №, 213 ст.);

17) «Коми Республикаса Оланподув Ёрдлön уджын да официальной йöздан юалöмьяс серти Коми Республикаса öткымын оланпасö вежсьöмьяс пыртöм йылысь» 2015 во лöддза-номья тöлысь 22 лунся 43-РЗ №-а Коми Республикаса Оланпаслысь 2 статья (Коми Республикаса канму власьт органьяслон индод-тшөктөмьяс, 2015, 11 №, 136 ст.);

18) «Суйöрсайса финансöвöй инструментьяс» кыввежöртас гөгöрвоöдан юкöнын Коми Республикаса öткымын оланпастэчас актö вежсьöмьяс пыртöм йылысь» 2017 во косму тöлысь 26 лунся 36-РЗ №-а Коми Республикаса Оланпаслысь 1 статья (Коми Республикаса канму власьт органьяслон индод-тшөктөмьяс, 2017, 9 №, 152 ст.);

19) «Коми Республикаын примитан инöда актьяс да йöздны колана материальяс йöздан юалöмьяс серти Коми Республикаса öткымын оланпасö вежсьöмьяс пыртöм йылысь» 2018 во йирым тöлысь 1 лунся 71-РЗ №-а Коми Республикаса Оланпаслысь 1 статья (Коми Республикаса канму власьт органьяслон индод-тшөктөмьяс, 2018, 14 №, 243 ст.);

20) «Коми Республикаса Оланподув Ёрд йылысь» Коми Республикаса Оланпасö вежсьöмьяс пыртöм йылысь» 2019 во öшым тöлысь 9 лунся 94-РЗ №-а Коми Республикаса Оланпас (Коми Республикаса канму власьт органьяслон индод-тшөктөмьяс, 2019, 20 №, 302 ст.);

21) «Коми Республикаса Оланподув Ёрдлысь да Коми Республикаын мирöвöй ёрдысьяслысь уджсö котыртöм боксянь могмöдан юалöмьяс серти Коми Республикаса öткымын оланпасö вежсьöмьяс пыртöм йылысь» 2020 во рака тöлысь 4 лунся 8-РЗ №-а Коми Республикаса Оланпаслысь 1 статья (Коми Республикаса канму власьт органьяслон индод-тшөктөмьяс, 2020, 4 №, 35 ст.).

#### **14 статья**

1. Тайö Оланпасыс вынсялö сийöс официальной йöздöмсянь дас лун кольöм мысти, тайö Оланпаслön 13 статья кындзи, мый вынсялö 2022 вося урасьöм тöлысь 7 лунсянь.

2. Коми Республикаса Юралысьлы, Коми Республикаса Велькöдлан котырлы примитны нормативнöй инöда актьяс, кутшöмьяс могмöдöны тайö Оланпас збыльмöдöмсö.

Коми Республикаса Юралысь

В.В. Уйба

Сыктывкар

2021 вося вöльгым тöлысь 25 лун

123-РЗ №